

KERKESE

Kërkuese (e dëmtuar akuzuese): Xhoana Nano, e bija e Virgjilit, e datëlindjes 25/05/1973, banuese në Tiranë, rruga "Reshit Çollaku", Nr.2, perfaqësuar me prokurë nga Av. Evelina Qirjako.

Objekti: Kërkohet proçedimi ndaj z. Nikolle Lesi, i biri i Palit, i datëlindjes 06/08/1963, lindur në Lezhë e banues në Tiranë, rruga "Sami Frashëri", deputet, për veprat penale të shpifjes e fyerjes dhe shpërblimi i dëmit.

Baza ligjore: Nenet 119/2, 120/2 të Kodit Penal, neni 59 e 78/b i Kodit të Proçedurës Penale, shtuar me Ligjin Nr.8813, datë 13.06.2002.

Përpara Gjykatës së Lartë

Tiranë

z. Nikollë Lesi, në mënyrë të vazhdueshme për një periudhë kohore prej afro një viti, ka ndërmarrë ndaj meje personalisht dhe ndaj bashkëshortit tim, Kryeministrit Fatos Nano, një fushatë shpifjesh e fyerjesh, me synimin e qartë e të paracaktuar për të na denigruar e ulur në sytë e opinionit publik.

Kjo fushatë, prej tij, është përqëndruar në shkrimet e shumta ku ai paraqitet si autor i tyre dhe botues i gazetës së tij "Koha Jonë". Edhe në intervistat e ndryshme të publikuara e të shfaqura në median e shkruar dhe atë televizive shqiptare, e fundit në datën 13/05/2004, në shkelje të rregullave e të etikës së gazetarit ka përsëritur me të njëjtin refren thëniet e tij shpifëse e fyese.

Në këto shkrime e intervista, ky person me tone nga më fyeset e me shpifje nga më të ultat, hedh baltë ndaj meje e familjes sime sikur unë personalisht qënkam një njeri me një të shkuar të dyshimtë, strumbullar i gjithë kulisave që ndodhin në politikën shqiptare, sikur unë qënkam personi që emëroj e shkarkoj drejtuesit e institucioneve shtetërore, sikur kam ngritur biznese me të ardhura të dyshimta e duke arritur të shpifë ndaj meje sikur qenkam e ngatërruar në lojra spiunazhi në favor të shteteve fqinë, dhe të tjera e të tjera thënie të tilla.

Paralelisht me këto, ky person një pjesë të madhe të shpifjeve e fyerjeve ia adreson edhe bashkëshortit tim Fatos Nano dhe familjes sime, duke na cënuar rëndë në këtë mënyrë në nderin e dinjitetin personal e familjar.